

„დამტკიცებულია„

აფხაზეთის ფეხბურთის ფედერაცია



„შეთანხმებულია„

საქართველოს ფეხბურთის ფედერაცია



ჩემპიონ ლიგა 2013, 2014, 2015, 2016, 2017-2018 წ.წ. დაბადებულ მოზარდებს შორის 2026 წლის

## რეგლამენტი

(ს.ფ.ფ-ს მიერ დამტკიცებული ჭაბუკთა და მოზარდთა ჩემპიონატების რეგლამენტის თანახმად)

### 1. მიზანი და ამოცანები

- 1.1 ფეხბურთის შემდგომი განვითარება და პოპულარიზაცია.
- 1.2 საქართველოს სამოყვარულო გუნდებისა და საფეხბურთო კლუბებისათვის რეზერვების მომზადება.
- 1.3 გამარჯვებული გუნდების გამოვლენა.

### 2. შეჯიბრების ხელმძღვანელობა , ჩატარების დრო და ადგილი

- 2.1 შეჯიბრებას ხელმძღვანელობს აფხაზეთის ფეხბურთის ფედერაცია და მისი შესაბამისი კომიტეტები.
- 2.2 გათამაშების ჩატარების დრო განისაზღვრება ა.ფ.ფ.ს შესაბამისი კომიტეტის მიერ დამტკიცებული კალენდრების მიხედვით ს.ფ.ფ-სთან შეთანხმებით.
- 2.3 ა.ფ.ფ უფლებამოსილია სპეციალური კომისიის მეშვეობით კლუბების განაცხადების მიღებამდე შეამოწმოს სტადიონების მდგომარეობა.
- 2.4 განაცხადების წარმოდგენა უნდა მოხდეს 2026 წლის თებერვლის თვეში (25 თებერვლამდე).
- 2.5 ჩემპიონატი იწყება 2026 წლის 12 მარტს.
- 2.6 გათამაშებაში მონაწილეობენ სპორტული საფეხბურთო სკოლებისა და მოყვარულთა კლუბები, რომლებსაც ქვეყანაში მოქმედი კანონმდებლობის თანახმად აქვთ იურიდიული სტატუსი, ექვემდებარებიან ფიფას, უეფას და ს.ფ.ფ-ს გადაწყვეტილებებს.
- 2.7 ქ. თბილისის გუნდები ა.ფ.ფ-ს მიერ ჩატარებულ ჩემპიონატებში მონაწილეობას მიიღებენ განაცხადში დაფიქსირებული თ.ფ.ფ-ს წერილობითი თანხმობით.

### 3. ჩემპიონატის ჩატარების სისტემა

3.1 2013-2016 წლიანებში გათამაშება გუნდების რაოდენობიდან გამომდინარე გაიყოფა ორ ან სამ ქვეჯგუფად (3 ჯგუფის შემთხვევაში შეიცვლება ჩატარების სისტემა), ორ წრედ (შინ და სტუმრად) და ჩატარდება 9 x 9 -ზე ფეხბურთელთა რაოდენობით 60 X 40 ზომის მოედანზე, კარის ზომა 5 X 2. მატჩის ხანგრძლივობა განისაზღვრება ორი 25 წუთიანი ტაიმით, მათ შორის 10 წუთი შესვენებით. ამ ლიგებში დაფიქსირდება მხოლოდ ტექნიკური შედეგი, ჩემპიონატის დასრულების შემდეგ ყველა გუნდი დაჯილდოვდება თასით და გუნდური დიპლომით.

შენიშვნა: ვინაიდან 2013 წლიანები თამაშობენ ელიტ ლიგასა და თბილისის ლიგაზე 11 X 11 ზე და არის სატურნირო ცხრილი, გუნდებთან შეთანხმების საფუძველზე შესაძლებელია მხოლოდ ჩემპიონ ლიგის 2013-ებში დაშვებული იქნას სატურნირო ცხრილი.

3.2 2017-2018 წლიანებში გათამაშება გუნდების რაოდენობიდან გამომდინარე გაიმართება ორ ან სამ ქვეჯგუფად (3 ჯგუფის შემთხვევაში შეიცვლება ჩატარების სისტემა), ორ წრედ (შინ და სტუმრად) და ჩატარდება 7 x 7 -ზე ფეხბურთელთა რაოდენობით 45 X 25 ზომის მოედანზე, კარის ზომა 3 X 2.

მატჩის ხანგრძლივობა განისაზღვრება ორი 20 წუთიანი ტაიმით, მათ შორის 10 წუთი შესვენებით. ჯგუფში პირველ და მეორე ადგილზე გასული გუნდები ითამაშებენ ნახევარფინალურ მატჩებს. ფინალურ ეტაპში გადასული გუნდები გამოირკვევა ჩემპიონატის მსვლელობისას.

3.3 გათამაშების კალენდარი დგება ჩატარებული კენჭისყრის საფუძველზე (ბერგერის სისტემით).

3.4 2017-2018 წლიანების შემთხვევაში ქულების აღრიცხვა არ იწარმოებს. დაფიქსირდება მატჩის შედეგები. მაგრამ გამარჯვებული გუნდები არ გამოვლინდებიან.

3.5. მატჩის გადატანა და თარიღის ცვლილება მოხდება აფგ-ს გადაწყვეტილებით, მოთხოვნა შემოტანილი უნდა იქნას კალენდარული მატჩის თარიღამდე 3 დღით ადრე.

3.6 გუნდის მწვრთნელი ვალდებულია შეხვედრების დაწყებამდე 45 წუთით ადრე, მატჩის ტექნიკურ ოქმში შეიყვანოს არაუმეტეს 20 ფეხბურთელი, ყოველ ფეხბურთელს ოქმში შეყვანილი ნომრის შესაბამისად უნდა ჰქონდეს ნომრები მაისურზე. თუ მაისური ზოლიანია მაისურზე ნომრები ერთგვაროვან ფონზე უნდა იყოს აღნიშნული. მეკარის ფორმა მკვეთრად უნდა განსხვავდებოდეს ორივე გუნდის მოთამაშეთა და მსაჯის ფორმის ფერისგან.

3.7 მატჩის დროს დაშვებულია უკუშეცვლები. 2013-2016 წლიანებში მეკარეს პარტნიორისგან უკან დაბრუნებული ბურთის ხელით შეხება ეკრძალება და დაინიშნება თავისუფალი დარტყმა. მეკარეს კარიდან ბურთის გათამაშება შეუძლია ხელით ან ფეხით, თუ ბურთი დაფიქსირებულია მიწაზე. 2017-2018 წ. დაბადებულ ჭაბუკთა შორის დაშვებულია მეკარის ხელით თამაში პარტნიორისგან მიწოდებულ ბურთზე. სათადარიგო მოთამაშეთა მოთელვა უნდა ხდებოდეს მსაჯის მიერ მითითებულ ადგილზე.

3.8 მატჩის ოქმში შეყვანილი უნდა იყვნენ ოფიციალური პირები (გვარი, სახელი, თანამდებობა, მწვრთნელი, მწვრთნელის ასისტენტი, ექიმი, სათადარიგო ფეხბურთელები, რომლებიც თამაშის დროს სხდებიან გუნდისთვის გამოყოფილ ადგილებზე. მინდვრიდან გაძევებულ მოთამაშეს სათადარიგოებს შორის ყოფნა ეკრძალება. მატჩის ოქმს დაწყებამდე ხელს აწერენ გუნდების წარმომადგენლები და მსაჯი. თამაშის ოქმს პირველად ავსებს მასპინძელთა გუნდის წარმომადგენელი.

3.9 გუნდებს ეძლევათ თბილისის ლიგის გათამაშებიდან თამაშის უფლება თბილისის ფეხბურთის ფედერაციის მიერ რეგისტრირებული ბარათით არაუმეტეს სამი მოთამაშისა (შესაბამისი ასაკი).

3.10 კალენდარულ მატჩებს მოემსახურება სამსაჯო განყოფილების მიერ დანიშნული ერთი მსაჯი, რომელიც ვალდებულია შეამოწმოს გუნდების ფეხბურთელთა მონაწილის ბარათები. ის მოთამაშე, რომელსაც არ გააჩნია მონაწილის ბარათი მატჩზე არ დაიშვება. მსაჯი, აგრეთვე ეცნობა მოთამაშეთა ფორმის ფერებს. თუ ფორმა ერთნაირია, მისი თხოვნით ფორმას იცვლის მასპინძელი გუნდი.

3.11 ა.ფ.ფ. უფლებამოსილია ნებისმიერ დროს კლუბთან შეთანხმებით შეამოწმოს მიმდინარე სასწავლო სამწვრთნელო პროცესი, სათანადო დოკუმენტაცია.

3.13 ქ. თბილისი ტერიტორიის გარეთ თამაშის მომსახურების თანხას ჩამტარებელი ფედერაციის ბრძანებით დაემატება მსაჯის სატრანსპორტო ხარჯები, რომლის ანაზღაურებაც უზრუნველყოფს მიმღები გუნდის ხემძღვანელობა.

3.14 მასპინძელი გუნდი ვალდებულია სტადიონზე იყოლიოს კვალიფიციური მედპერსონალი და უზრუნველყოს საზოგადოებრივი წესრიგის დამცველთა საჭირო რაოდენობა.

3.15 მატჩის დაწყების დრო განისაზღვრება აფხაზეთის ფეხბურთის ფედერაციის მიერ დამტკიცებული რეგლამენტით.

3.16 კალენდარულ მატჩზე მითითებულ დროს რომელიმე გუნდის გამოუცხადებლობის შემთხვევაში მსაჯი ვალდებულია შეამოწმოს მატჩზე მოსული გუნდის ფეხბურთელების ბარათები, ამის შემდეგ გუნდი და მსაჯი ვალდებულნი არიან სათამაშო ფორმით გავიდნენ მოედანზე და დააფიქსირონ თამაშისთვის მზადყოფნა.

3.17 კალენდარულ მატჩზე მითითებულ დროზე რომელიმე გუნდის დაგვიანებით გამოცხადების შემთხვევაში გადაწყვეტილებას მატჩის გამართვის, დაწყების დროის გადავადების ან გადატანასთან დაკავშირებით იღებს ა.ფ.ფ.-ს საშეჯიბრო განყოფილება.

3.18 ექსტრემალური სიტუაციის გამო მატჩის დაწყების ან შეწყვეტის საკითხს წყვეტს მსაჯი.

3.19 ზემოთ ჩამოთვლილი პუნქტების შეუსრულებლობის შემთხვევაში მატჩის მსაჯს უფლება აქვს არ ჩაატაროს თამაში და აცნობოს ა.ფ.ფ.-ს საშეჯიბრო განყოფილებას. საკითხი განსახილველად გადაეცემა სადისციპლინო კომიტეტს.

3.20 გათამაშებაში მონაწილე გუნდებმა (კლუბებმა) აფხაზეთის ფეხბურთის ფედერაციის ანგარიშზე უნდა ჩარიცხონ საწევრო-საშეჯიბრო მომსახურებისათვის განსაზღვრული თანხა(იხილეთ ფინანსური დოკუმენტი მითითებულ დანართში). თანხები ჩარიცხული (შემოტანილი) უნდა იქნეს განაცხადის დამტკიცებამდე. ანგარიშსწორებას ბიუჯეტთან არსებული საგადასახადო კანონის თანახმად აწარმოებს აფხაზეთის ფეხბურთის ფედერაცია.

3.21 აფხაზეთის ფეხბურთის ფედერაციის რეკვიზიტებია:

აფხაზეთის ფეხბურთის ფედერაცია ს.წ . # 249260570 საქართველოს ბანკი.ბანკის კოდი BAGAGE22 ანგარიშის ნომერი GEO9BG000000533759735

მის: ქ. თბილისი, ი. ჭავჭავაძის, 67 ა. ტელ. 599 50 60 53.

#### 4. გუნდების განაცხადების გაფორმება

4.1 გუნდების განაცხადების მიღებას და ფეხბურთელთა დამტკიცებას აწარმოებს ა.ფ.ფ.-ს საშეჯიბრო განყოფილება.

4.2 კლუბიდან კლუბში ფეხბურთელის გადასვლას ამტკიცებს საშეჯიბრო განყოფილება, ხოლო სადავო საკითხებს განიხილავს აღმასკომი.

- საფეხბურთო კლუბის რეგისტრაციის მოწმობა.
- კლუბის იურიდიული კოორდინატები და საბანკო რეკვიზიტები.
- გუნდის განაცხადი ორ ეგზემპლარად, შესაბამისი ფორმის მიხედვით.
- მოთამაშეთა დაბადების ან 3/ მოწმობის ასლები. (მიეთითოს მოთამაშის პირადი ნომერი)
- მოთამაშეთა ახალი ბარათები სურათებით.
- სამედიცინო ცნობა თითოეულ მოთამაშეზე სამედიცინო დაწესებულების (კლინიკის) მიერ დამტკიცებული ბეჭდით.

4.5 ჩემპიონატის მსვლელობისას თითოეული გუნდის განაცხადში შეიძლება შეყვანილი იყოს 20 (ოცი) ფეხბურთელი.

4.6 გუნდებს ეძლევათ თბილისის ლიგის და ელიტ ლიგის გათამაშებაში თამაშის უფლება აფხაზეთის ფეხბურთის ფედერაციის მიერ რეგისტრირებული ბარათით არაუმეტეს სამი მოთამაშისა (შესაბამისი ასაკი).

## 5. სადისციპლინო და ფინანსური სანქციები

5.1 რეგლამენტისა და სხვა სადისციპლინო დარღვევებზე რეაგირებისას ა.ფ.ფ. იხელმძღვანელებს ს.ფ.ფ-ს სადისციპლინო კოდექსით.

## 6. საჩივრის შეტანის წესი

6.1. საჭიროების შემთხვევაში გუნდის ხელმძღვანელობა ვალდებულია თამაშის დამთავრებისთანავე საჩივრის შეტანის თაობაზე გააფრთხილოს მსაჯი და მოწინააღმდეგე გუნდი.

6.2 აღნიშნული მოთხოვნის შეუსრულებლობის შემთხვევაში საჩივრებს სადისციპლინო კომიტეტი განსახილველად არ მიიღებს.

6.3 არ მიიღება საჩივარი თამაშის დროს მსაჯის შემდეგ გადაწყვეტილებებზე.

- ა) დაინიშნა თუ არა თავისუფალი, საჯარიმო ან 9 მ დარტყმა.
- ბ) ბურთის გადასვლაზე მოედნის ფარგლებს გარეთ.
- გ) ჩათვლილ ან არჩათვლილ გოლზე.
- დ) გაფრთხილებაზე ან გაძევებაზე.

6.4 საჩივრის განხილვისას სადისციპლინო კომიტეტი ხელმძღვანელობს მსაჯების და მატჩის დამკვირვებლის მოხსენებითი ბარათით. (საჭიროების შემთხვევაში).

6.5 გუნდები, რომლებიც არ გამოცხადდებიან კალენდარულ თამაშზე ჩათვლებათ ტექნიკური წაგება 0-3, ხოლო მეორე შემთხვევაში იხსნებიან გათამაშებიდან. საწევრო-საშეჯიბრო გადახდილი თანხა უკან არ უბრუნდებათ.

6.6 ყალბი ოქმის შედგენის შემთხვევაში გუნდს ჩათვლება ტექნიკური წაგება 0-3, ხოლო მწვრთნელების საკითხს განიხილავს ა.ფ.ფ.-ს სადისციპლინო კომიტეტი.

## 7. დაჯილდოება

7.1 ჩემპიონ ლიგის გათამაშებაში 2014-2018 წლიანებში არ გამოვლინდება გამარჯვებული გუნდები.

## ფინანსური დანართი

ჩემპიონი ლიგა 2013 გადასახადი შეადგენს 1600 ლარს.

ჩემპიონ ლიგა 2014-2015 გადასახადი შეადგენს 1600 ლარს.

ჩემპიონ ლიგა 2016 (9X9) გადასახადი შეადგენს 1600 ლარს .

ჩემპიონ ლიგა 2016 (7X7) გადასახადი შეადგენს 1300 ლარს .

ჩემპიონ ლიგა 2017-2018 (7 X 7) გადასახადი შეადგენს 1300 ლარს.